

Cusi un Sonniu

Arrimbatu à una leccia,
Fighjolu chjinà lu soli
Mi posu sottu à issa leccia
E ni vecu mora u ghjornu
Arrimbatu à una leccia

Chitudina impiriali
Passa li monti è li vaddi
Ùn si senti più un soffiu
A l'abbrucata maistosa
Arrimbatu à una leccia

Quandu affaccani i tinteni
Dopu dui canneddi d'acqua
Ripiddu lu me strittonu
Dipoi tant'anni mi porta
È vecu cascà la notti

Caminendu pianu pianu,
Pà aspittà l'animali
U cursinu si faci senta
Chi da la foci si vedi
Arrimbatu à una leccia

A fiara di ranticu chinchè
Chi da nantu à u balco ci aspetta
Pà fà ci incù misginedda
A u ritornu bedda festa
In u bughju vecu una stedda

Arrimbatu à una leccia
Fighjolu chjinà lu soli
Sunnieghju milli lecci
Fiurisciarani un ghjornu novu
Cusi un sonniu sottu à una leccia